

आकाशवाणी

खास-खास खबरां:-

1. पच्छिम बंगाल च अमिता शाह होर अज्ज पार्टी दे नमें चुनोए दे विधायकें कन्नै मलाटी करडनते विधायक दल दे नेता दा अज्ज चुनाव होग।
2. तमिलनाडू च नमी सरकार दे गठन च चिर कन्नै राजनीतिक स्थिति यक्को-तक्की आहली बनी दी ।
3. वियतनाम दे राष्ट्रपति तो लाम होरें आखेआ जे बदलदी वैश्विक बवस्था च भारत ते वियतमान कोल वैश्विक आपूर्ति श्रृंखला च महत्वपूर्ण भूमिका निभाने दा मौका।
4. उद्योग ते बपार मंत्री पीयूष गोयल होरें वैश्विक कृषि परिदृश्य च भारत दी स्थिति मज़बूत करने आस्तै बक्ख-बक्ख पैहलुएं दी समीक्षा कीती।
5. सऊदी अरब नै अपने सैन्य ठिकाने ते वायु क्षेत्र तगर अमरीकी सेना दी पुज्ज रोकी दिती ऐ। एदे कन्नै राष्ट्रपति ट्रम्प होरें गी होर्मुज जल डमरु मध्य च ज्हाजें पर निगरानी रक्खने दी अपनी योजना छोड़ने लेई मज़बूर होना पौग।
6. ते आई.पी.एल क्रिकेट च कल रातीं लखनऊ च खेड्डे गेदे मैच च लखनऊ सुपर Giants नै रॉयल चैलेन्जर्स बेंगलूरु गी 9 रन्ज कन्नै हराया।

<><><><><><>

HM-Kolkata Visit

गृहमंत्री अमित शाह होर अज्ज कोलकाता जा'रदे न। ओह भारतीय जनता पार्टी दे नमें चुनोए दे विधायकें दे कन्नै बैठक करडन। बैठक दौरान पार्टी दे विधायक दल दे नेता

दा चुनाव कीता जाहग। नमें मुखमंत्री ते मंत्रीमंडल गी कल रविन्द्र नाथ टैगोर हुंदी जयंति दे मौके पर संगंध चकाई जाहग। इस समारोह दे सरबंधै च कोलकाता दी Brigade Parade Ground च तयारियां जोरे-शोरें कन्नै जारी न। प्रधानमंत्री नरेन्द्र मोदी- गृहमंत्री अमिता शाह- वरिष्ठ बी.जे.पी. नेता ते होरनें राज्यें दे मुखमंत्री बी एदे च हिस्सा लैडन।

<><><><><><>

TN- Political Scenario

तमिलनाडू च नमीं सरकार दे गठन च चिर कन्नै राजीनितक स्थिति यक्को-तक्की आहली बनी दी ऐ। सरकार बनाने आस्तै जरूरी 118 दे बहुमत तगर पुज्जने लेई गल्लबात जारी ऐ। DMK ते ऑल इंडिया अन्ना डी.एम.के. पार्टी नै कल नमें चुनोए दे विधायकें कन्नै बैठक कीती। AIADMK पार्टी दे महा सचिव E. पलनी सामी होरेंगी विधायक दल दा नेता चुनेआ गेआ। राज्य दी सब्भनें थमां बड्डी पार्टी तमिलग वेत्री कड़गम TVK गी समर्थन देने दे मुद्दे पर विदुथलाई चिरु थड़गल काची- भारतीय कम्युनिस्ट पार्टी ते मार्क्सवादी कम्युनिस्ट पार्टी दे नमें चुनोए दे विधायकें दी बैठक अज्ज होग। DMK दे प्रवक्ता नै आखेआ ऐ जे इक्कली बड्डी पार्टी दी जिम्मेदारी ऐ बहुमत साबित करने दी।

<><><><><><>

Vietnam -Prez

वियतनाम दे राष्ट्रपति तो लाम होरें आखेआ जे बदलदी वैश्विक बवस्था च भारत ते वियतनाम कश वैश्विक आपूर्ति श्रृंखला च महत्वपूर्ण भूमिका निभाने दा मौका ऐ।

मुम्बई च भारत-वियतनाम बपार मंच गी सम्बोधित करदे होई लाम होरें आखेआ जे पैहले बी दौनें मुख्यें आपसी सहयोग च केंई चुनौतियें दा सामना कीता ऐ। उ'नें भारतीय कम्पनिएं गी वियतनाम च निवेश करने लेई साददा दिता। इस मौके पर महाराष्ट्र दे मुख्यमंत्री देवेन्द्र फडणवीस नै आखेआ जे भारत ते वियतनाम दे प्रद्योगिकी ते विनिर्माण क्षेत्र दे उद्यमी निवेशक ते पेशेवर एशिया दे भविष्य गी आकार देगन।

<><><><><><>

India Vietnam Cooperation

भारत ते वियतनाम नै उभरदी प्रद्योगिकी- नवाचार- अनुसंधान ते स्टार्ट-अप च सहयोग होर मजबूत करने पर चर्चा कीती। विज्ञान ते प्रद्योगिकी राज्यमंत्री जितेन्द्र सिंह होरें कल नमीं दिल्ली च वियतनाम दे विज्ञान ते प्रद्योगिकी मंत्री वू हाई क्वान हुंटे कन्नै दपकखी गल्लबात कीती। इस दौरान दौनें पक्खें बशकार Artificial Intelligence साइबर सुरक्षा सरबन्धी ढांचे- नवाचार ते प्रद्योगिकी दी अदला-बदली पर विचार-विमर्श होआ। डाक्टर सिंह होरें आखेआ जे पिछले इक दहाके च दौनें मुख्यें बशकार व्यापक रणनीतिक सांझेदारी गी नमीं गति थोई ऐ।

<><><><><><>

Foreign Sec. –Trilateral Meet

विदेश सचिव विक्रम मिसरी होरें कल अबूधाबी च UAE दी अंतराष्ट्रीय सहयोग राज्यमंत्री रीम अल हाशिमी हुंटे कन्नै मलाटी कीती। विदेश मंत्रालय नै सोशल मीडिया पोस्ट च दस्सेया जे दौनें पक्खें भारत-UAE व्यापक रणनीतिक सांझेदारी दे सारे पहलुएं

दी समीक्षा कीती ते आपसी सहयोग गी नमैं क्षेत्रें च बदाने दे उपाएं पर गल्ल कीती।
बैठक च क्षेत्रीय स्थिति ते आपसी हित दे वैश्विक मुद्दें पर चर्चा होई।

<><><><><><>

Akashwani -Marathon

आकाशवाणी दी स्थापना दे 90 बरे पूरे होने दे सिलसिले च अज्ज राजधानी दिल्ली च मैराथन दा आयोजन कीता जा'रदा ऐ। तकरीबन साइडे 3 किलोमीटर दी एह मैराथन आकाशवाणी भवन थमां शुरु होइयै कृषि भवन-रेल भवन- ते रिजर्व बैंक भवन थमां हुंदे होई वापस आकाशवाणी भवन च सम्पन्न होग। आकाशवाणी ते दूरदर्शन सनैं प्रसार भारती दे कर्मचारी ते उन्दे परोआर दे सदस्य इस मैराथन च हिस्सा लैगंन। आकाशवाणी दी स्थापना 1935 च होई ही ते एह देशें दी सारे शा भरोसेमंद प्रसारण सेवा च शामिल ऐ। एह बक्ख-बक्ख भाषाएं च खबरें- संगीत ते लोक सेवा कार्यक्रमें दा प्रसारण करदा ऐ। इस मैराथन दे राएं आकाशवाणी ना छड़ा अपने गौरवशाली इतिहास गी मनाग- सगुआं सेहत-एकता ते लोकें तक्कर पुज्जने दे सनेह गी बी बढ़ावा देग।

<><><><><><>

Goyal- Meeting

उद्योग ते बपार मंत्री पीयूष गोयल होरें कृषि परिदृश्य च भारत दी स्थिति मजबूत करने आस्तै बक्ख-बक्ख उपाएं दी समीक्षा कीती। उ'नैं भारतीय खाद्य ते कृषि चैम्बर दे अध्यक्ष डाक्टर एम.जे. खान हुंदे कन्नै बैठक कीती। सोशल मीडिया दी पोस्ट च गोयल होरें दस्सेआ जे बैठक च करसानें दे जीवन गी बेहतर बनाने- मुख्य दी कृषि बवस्था गी मजबूत करने ते अफ्रीकी क्षेत्र दे कन्नै सहयोग बदाने पर चर्चा होई। उ'नैं

आखेआ जे लम्मी अवधि आहली खाद्य सुरक्षा आस्तै कृषि सहयोग बदाने दे नमें उपाएं पर बी विचार-विमर्श होआ। गोयल होरें Delhivery दे सह-संस्थापक ते कार्यकारी निदेशक सूरज सहारन हुंदे कन्नै बैठक कीती। उ'नें दस्सेआ जे कम्पनिं दे नवाचार ते प्रोद्योगिकी आधारित बपार मॉडल ते उद्यम विस्तार पर चर्चा होई।

<><><><><><>

Saudi- US Access

सऊदी अरब नै अपने सैन्य ठिकाने ते वायु क्षेत्र तगर अमरीकी सेना दी पुज्ज रोकी दिती ऐ। एदे कन्नै राष्ट्रपति डोनाल्ड ट्रम्प होरें'गी होर्मुज जल डमरु मध्य च ज्हाजें पर निगरानी रक्खने दी अपनी योजना छोड़ने लेई मज़बूर होना पौग। 2 अमरीकी अधिकारिं इस खबर दी तस्दीक कीती ऐ। सऊदी अरब दी इस गैंs कन्नै खाड़ी मुखें गी लेइए अमरीकी रणनीति गी झटका लगगा ऐ- किजे ओदा इक प्रमुख क्षेत्रीय सहयोगी गति फगड़ने थमां पैहले गै प्रोजैक्ट “फ्रीडम” अभियान गी बाधित करा'रदा ऐ। राष्ट्रपति ट्रम्प होरें हुन अपना ध्यान राजनयिक माध्यमें पर केन्द्रित कीता ऐ। उ'नें ईरान दे कन्नै हाल च गल्लबात गी संतोषजनक दस्सदे होई हुन कोई स्थाई हल कड़डने दी मेद जाहिर कीती ऐ।

<><><><><><>

IPL

IPL क्रिकेट च लखनऊ सुपर Gaints नै कल रातीं लखनऊ दे एकना स्टेडियम च बरखा कन्नै प्रभावत मैच च DLS तरीक दा इस्तेमाल करदे होई रॉयल चैलेन्जर्स बेंगलूरु गी 9 रन्ज कन्नै हराई दिता। Mitchell Marsh नै लखनऊ आसेआ खेड्डे होई 56 गेंदे च

शानदार 111 रन्ज बनाए ते दुई बक्खी बेंगलूरु पासेया Rajat नै 31 गेंदे च 61 रन्ज दी पारी खेड्डी। Mitchell March गी प्लेयर ऑफ द मैच चुनेया गया। अज्ज IPL क्रिकेट च दिल्ली कैपिटल्स दा मकाबला कोलकाता नाइट किंग्स कन्नै होग। एह मैच दिल्ली दे अरुण जेटली स्टेडियम च रातीं साइडे 7 बजे शुरु होग।

<><><><><><>

IMD-Weather

मौसम विभाग नै अज्ज ते कल लेई केरल- माहे- दक्खन आंतरिक कर्नाटक- तमिलनाडू- पुदुचेरी ते कराईकल च तेज बरखा दा अनुमान जाहिर कीता ऐ। विभाग नै आखेआ ऐ जे अज्ज उत्तर-प्रदेश पूर्वी राजस्थान- तटीय कर्नाटक ते रायलसीमा च तेज हवाए ते गरज कन्नै बरखा होने दी संभावना ऐ। मध्य प्रदेश- बिहार- झारखंड- छत्तीसगढ़- ओडिशा ते उत्तर पूर्वी भारत दे किश हिस्सें च बी ऐसी गै स्थिति रहौंग। मौसम विभाग नै आखेआ जे अगले 2 दिन तगर कोकण ते गोवा च गर्म ते गुम्म आहला मौसम बने रौहने दी संभावना ऐ।

<><><><><><>